



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ispesyal nga Isyu
Disyembre 26, 2009
www.philippinerevolution.net

Tinguhaon nga agumon ang daku nga pagsulong sa inaway banwa para sa bag-o nga demokrasya


Komite Sentral

Partido Komunista sang Pilipinas

Lubos kalipay nga ginasaulog naton subong nga adlaw ang ika-41 anibersaryo sang pagkatukod sang Partido Komunista sang Pilipinas bilang rebolusyonaryo nga abanteng destakamento sang proletaryadong Pilipino sa teoritikong ubay sang Marxismo-Leninismo-Maoismo.

Lubos kita nga nalipay sa mga madugay na kag bag-ong kadalag-an nga naagum sang proletaryado kag pumuluyong Pilipino sa pagpamuno sang Partido sa pagpasulong sang bag-ong demokratikong rebolusyon paagi sa malawigan nga inaway banwa. Ginasaluduhan kag ginatamyaw naton ang tanan nga mga kadre kag katapu kag ginahatag naton ang pinakamataas nga pasidungog sa mga rebolusyonaryong martir kag baganihan sa paghawan nila sang dalan para maagum ang mga kadalag-an naton.

Madugay na naton napamatud-an nga sa pag-sunod sa estratehikong linya sang malawigan nga inaway banwa hulu-halintang naton nga mapabaskog ang mga rebolusyonaryong pwersa sang pumuluyo kag mapangibabawan ang brutal nga mga kampanya sang pagpanglupig nga ginalunsar sang imperyalismong US kag mga lokal nga nagapanghimulos nga sahing daku nga kumprador kag agalon nga mayduta. Sa proseso, natukod na naton sa subong ang pinakadaku kag pinakamabaskog nga rebolusyonaryo nga armadong paghimakas sang pumuluyong Pilipino sa bilog nga kasaysayan sang Pilipinas halin sang rebolusyong 1896.



Nagbaskog kag nagsulong kita paagi sa pursigido kag makahas nga rebolusyonaryong armadong paghimakas batuk sa kada rehimen sang kontra-rebolusyonaryong kalakasan nga ginadireher kag ginasuportahan sang imperyalismong US. Nakapangibabaw kita sa 14 tuig nga pasistang diktaduryang Marcos kag tanan nga nagsunod nga rehimen nga nagposturang liberal demokratiko pero sobra man ka antinasyunal kag anti-demokratiko.

Lubos nga tamayon sang kasaysayan ang subong nga rehimen Arroyo bangud sa malala nga krimen sini sa banwa. Napaslawan ini sa pantasya nga dugmukon o paluyahon ang rebolusyonaryong hublag sang pumuluyo. Indi lang kita nakapangibabaw kag nakapreserbar sang mga pwersa batuk sa mga kampanyang pagpanglupig sang kaaway, nagbaskog man kita kag nag-agum sang nagalanog nga mga kadalag-an.

Makalipas ang sobra 40 tuig nga kadalag-an sang inaway banwa, pinakamalahalon para sa aton subong nga ideklarar ang aton determinasyon nga magtinguha sa masunod nga lima ka tuig nga agumon ang daku nga pagsulong halin sa lebel sang estratehikong

dependensiba padulong sa estratehikong pagkapatas, nga ginapun-an ang tanan nga rekisito kag wala sang lebel nga ginalaktawan. Makalaum kita sa daku pa nga rebolusyonaryong posibilidad sa masunod nga napulo ka tuig kon madinalag-on nga mapatuman ang mga katungdanan kag plano sa masunod nga lima ka tuig.

Nakabase sa tatlo ka paktor ang aton rebolusyonaryong optimismo. Una, ang nagapadayon nga paglala sang krisis sang pangkalibutanong sistemang kapitalista, nga napun-an subong sang pinakamalala nga krisis halin sang Daku nga Depresyon. Ikaduha, nagadasig nga paglala sang krisis kag pagkagaruk sang nagahari nga sistemang malakolonyal kag malapyudal. Ikatlo ang mga rebolusyonaryong pwersa sang pumuluyo nga ginapamunuan sang Partido mas labaw nga mabaskog subong sangsa sadtong mag-umpisa ang inaway banwa sang 1969 kag may bastanteng pwersa kag kritikal nga kusog para tumanon ang mga katungdanan kag plano para magsulong halin sa estratehikong dependensiba padulong sa estratehikong pagkapatas sang inaway banwa.

Pangkalibutanon nga sistemang kapitalista napun-an sang depresyon

Nalubong sa pang-ekonomya nga depresyon ang pangkalibutanon nga sistemang kapitalista. Ang krisis sa ekonomya kag pinansya daw salot nga naglapta sa bug-os nga kalibutan halin sa mga imperyalistang pungsod. Ang mga atrasadong pungsod ang nag-antos sang pinakamabaskog nga sosyo-ekonomiko nga kahalitan. Pero ginapagwa gihapon sang mga imperyalistang gahum kag mga sumulunod nila nga ang sitwasyon resesyon lamang kag permi man nila ginahambal nga patimaan sang pagbawi ang anuman nga pagtaas sa balaligyaan pangpinansya.

Ang krisis sang sobrang produksyon nagapadayon kag ginapalala pa sang krisis sa pinansya. Padayon ang pagbuhin sang produksyon o pagsara sang mga pabrika. Padayon nga ginabatyag sang mga mamumugon kag mangunguma kag pati sang mga nahanunga nga saray sang katilingban ang pagkadula sang trabaho kag puluy-an, pagnubo sang kita, nagatinaas nga presyo sang mga basehang balaklunon kag serbisyo sosyal kag paglala sang imprastrukturang pangkatilingban. Nagatinaas ang lebel sang pagpanghimulos kag pagpamigos sa bilog nga kalibutan.

Ginagamit sang US kag iban pang estadong imperyalista ang pondo pangpubliko para luwason ang daku nga bangko kag korporasyon sa industriyang militar kag sektor sang serbisyo. Nagatuga sang bag-o kag mas daku nga bukal sa pinansya ang paggamit sang pondo sang estado para pautangon kag subsidyuhan ang monopolyong burgesya, labi na ang oligarkiya sa pinansya. Ang kwarta ginagamit lamang para padakuon ang ganansya sa mga libro de kwenta sang mga daku nga korporasyon pangpinansya kag industriyal kag wala nagaresulta sa matuod nga pagba-

wi sang ekonomya sa halambalanon sang paghimo sang empleyo kag pagpadaku sang produksyon kag konsumo.

Ang subong nga krisis sa ekonomya kag pinansya sang pangkalibutanon nga sistemang kapitalista amo ang bunga sang paliwat-liwat, nagadasig kag nagapatung-patong nga mga krisis halin sang atubangon sang monopolyong burgesya kag ila mga tagahimo sang polisiya sa ekonomya ang dungan nga pagluntad sang istagnasyon kag implasyon bunga sang rekonstruksyon sang mga pungsod nga imperyalista nga ginhalitan sang Ikaduha nga Gera Pangkalibutanon, sang nagasingki nga kumpetisyon nga inter-imperyalista, nagadaku nga gastos sa Cold War kag mga gerang agresyon kag sang nagalala nga krisis sang sobrang produksyon sa pangkalibutanon nga sistemang kapitalista.

Halin sadto, ginabasol na sang mga imperyalistang estado nga ginapangunahan sang US sa masang anakbalhas ang istagplasyon bangud kuno sa ginasing nila nga

pagtaas sang sweldo¹ kag sobra nga gastos sosyal sang gubyerno. Kadungan sini, ginatabunan nila ang mga gastos sa Cold War, labi na sa produksyon militar, pagdeploy sang mga pwersa militar sa ibang pungsod kag mga gerang agresyon.

Sadtong masunod nga mga dekada, gin-aprubahan kag ginpatuman nila ang polisiya sang paglansang sa swelduhan, pagbuhin

sa sosyal nga gastos, pribatisasyon sang mga propyedad publiko, liberalisasyon sang pangapital kag negosyo, pagbasura sa mga regulasyon kag denasyunalisasyon sang ekonomya sang mga atrasadong pungsod. Ginpabwelo nila ang wala hawid nga kadalukon sang mga imperyalistang bangko kag empresa para hukhukon ang pumuluyo sang kalibutan. Sa sini, ginpaluya kag ginpakitid nila ang balaligyaan pangkalibutan sang sobra sa masarangan tabunan kag taguon sa pagpangutang.

Bangud pila ka dekada na nga nagaluntad, madalom na ang nalabot sang polisiya sang globalisasyon nga "neoliberal" o globalisasyon sang "hilway nga balaligyaan" kag nagdulot na ini sang lapnagon nga kahalitan pangkatilingban sa bilog nga sakop sang kalibutan. Ini gihapon ang dominante nga paminsaron sa mga tagahimo sang polisiya sang mga estadong imperyalista. Nagaserbi ini una sa tanan sa daku nga bangko kag korporasyon batuk sa demanda sang pumuluyo para sa pagbawi sang ekono-

mya, trabaho, ayuda sosyal kag rehabilitasyon. Gani ang subong nga krisis sang pangkalibutanon nga sistemang kapitalista nagapadayon nga nagalala kag magapadayon pa sa malawig nga panahon.

Ginapasa sang monopolyong burgesya ang bug-at sang krisis sa masang anakbalhas sa mga pungsod nilang imperyalista pero labi pa gid sa mga ara sa atrasadong pungsod. Padayon

pa nga nagapuga sang sobra nga ganansya ang mga imperyalistang gahum kag ila mga papet halin sa mga ginpahapa na sang krisis. Gani makita

naton subong ang panugod nga talamdan sang pagbato sang pumuluyo lunsay sa mga imperyalista kag atrasadong pungsod.

Sa mga imperyalistang pungsod, nabalunsar ang monopolyong burgesya sang mapintas nga makasahing pagpakigsumpong sa proletaryado kag ginaduso sini ang proletaryado nga magbato paagi sa pagsulong sang matarung nga bahin sang makasahing banggianay. Labi pa ini nga nagatuyo nga sang tungaon kag gamuhon ang masang anakbalhas paagi sa pagdabuk sang isteryang "anti-terorista," sobinismo, rasismo, pasismo, panatisismo sa relihiyon kag pagpanulsol batuk sa mga migrante. Bisan pa man, nagatindog ang mga rebolusyonaryong partido kag kahublagan agud ibuyagyag ang mga ugat sang krisis sang monopolyong kapitalismo kag

pukawon ang masang anakbalhas para magsulong sang makasahi nga paghimakas.

Ang mga pumuluyo nga nagabatas sang ginapasanyog nga pagpanghimulos kag pagpamigos nagapasulong sang lain-lain nga porma sang pagbato sa mga imperyalistang gahum kag mga lokal nila nga papet. Ang mga ginabiktima sang agresyong imperyalista nagasulong sang armadong pagbato para sa pungsodnon nga kahilwayan, pareho sang Iraq, Afghanistan, Pakistan, Palestine kag Lebanon. Nagabaskog kag nagasulong ang mga kahublagan para sa pungsodnon nga kahilwayan nga ginapamunuan sang mga Maoista kag iban pang rebolusyonaryong partido pareho sa India, Pilipinas, Nepal, Turkey, Peru kag Colombia.

May pila ka gubyerno pareho sang North Korea, Cuba, Venezuela kag Bolivia nga nanindugan batuk sa imperyalismo kag nagaduso sang pungsodnon nga soberanya bilang sabat sa singgit sang pumuluyo nga batuan ang imperyalismo kag ang pinakamalaut nga reaksyunaryong ahente sini. Ang mga gubyrno pareho sang sa China kag Russia nagatinguha nga makighimbon sa alyansa sang mga imperyalistang pungsod nga ginapamunuan sang US samtang nagabuligay man sa Iran kag iban pa nga gubyerno nga ginapapanaugan sang embargo sang US kag mga imperyalistang alyado sini.

Nagaisa gihapon ang mga imperyalistang gahum sa pagpamigos sa mga pumuluyo kag pungsod sa kalibutan kag sa pagpasa sa ila sang bug-at sang krisis. Pero ginatulod man sila sang imperyalistang kadalukon kag sang krisis para magkumpitensyahanay kag magbanggianay para bahin-bahinon ang kalibutan para sa mga makuhan sang hilaw nga materyales kag barato nga trabaho, mga balaligyaan, mabutangan sang kapital, sa-

¹ Ginapagwa sang burgesya nga ang pagtaas sang sweldo amo ang paktor sa likod sang implasyon o pagtaas sang presyo sang mga balaklunon.

kop sang impluwensya kag estratehikong lugar sang kontrol.²

Bunga sang lubos nga pagpanumbalik sang kapitalismo sa mga pungsod nga sadto ginaharian sang mga rebisyunistang rehimen, nadugang ang Russia kag China sa kubay sang daku nga kapitalistang gahum kag labi nga naggutok ang kalibutan para sa inter-imperyalistang kumpetisyon. Ginaduso sang US ang NATO nga magpalapad tubtub sa dulunan sang Russia kag magtuyo nga kontrolon sini ang daku nga ginakuhaan sang langis, gas kag iban pang estratehikong hilaw nga materyales. Sa pihak nga ang China ang ginakilala nga pinakadaku nga katuwang sang US sa idalum sang polisiyang globalisasyon sang "hilway nga balaligyaan," nagadaku ang mga kontradiksyon sa tunga nila sa mga mayor nga halambalanon.

Ang pagluib sa sosyalismo bu-nga sang pagtuhaw sang moder-nong rebisyunismo kag lubos nga pagpanumbalik sang kapitalismo sa mga pungsod nga sadto ginaharian sang mga rebisyunista nagatungod sang daku nga papel sa pagpasingki sang inter-imperyalistang kontradiksyon kag pagtuga sang mga kundisyon para sa mga gerang agresyon kag paggamit sang mga armas nukleyar kag iban pang pamatay nga armas. Daw wala sang makapugong sa mga pamahog sang imperyalismo mismo sa kabuhi sang katawhan. Pero epektibo sila nga mabatuan sang rebolusyonaryo nga kahublagang masa sang pumuluyo, sang mga rebolusyonaryong gera sibil kag mga inaway banwa para sa pungsodnong kahilwayan.

Amo na lamang ka agresibo ang US kag ang NATO gani nakabatyag sang pamahog ang China kag Russia kag bangud diri ginpauswag nila ang Shanghai Cooperation Organization para mangin makagagahum nga bloke pangseguridad. Halos tanan nga rehiyon sa kalibutan pareho sang Middle East, Central Asia, South Asia, East Asia, Balkans, Eastern Europe, Latin America kag Africa napun-an sang peligro nga magkagera.


Ang pagsingki sang mga inter-imperyalistang kontradiksyon naglab-ot na sa mga gerang agresyon kag interbensyon militar, pareho sa Balkans, Africa, Central kag South Asia kag sa Middle East. Ginahimo ang mga ini sa inisyatiba sang US, mga kaalyado sini sa NATO kag mga mayor sini nga kadampig sa UN Securi-

ty Council. Ang wala kabulusgan nga paghandum sang US kag sang pinakamalapit sini nga alyado sa NATO nga solohon ang ginakuhaan sang langis kag iban pang hilaw nga materyales kag ipaidalom sa ila ang Russia kag China nagagamo sa balanse sang pwersa sa kubay sang mga imperyalistang gahum.

Ang mga imperyalistang gahum nagasalimuang nga nagasalakay kag nagapandambong sang mga dunang manggad kag sa sini ginahalitan ang katilingban kag naturalisa. Ang mga gerang agresyon nagbunga sang madamo nga kaswalidad sa pumuluyo, pagkaguba sang imprastruktura sosyal kag polusyon sang kapalibutan dulot sang paggamit sang mga pamatay nga armas nga *radioactive*³ kag makahililo. Ang wala untat nga pagpandambong sang mga daluk nga monopolyo sa dunang manggad mayor nga pak-tor sa pagkasamad sang naturalisa nga nagtuga sang mas makahalalit pa nga mga bagyo, pagbaha, tag-init kag iban pang aksidente.

Ang mga imperyalistang gahum ang pinakadaku nga nagasamad kag nagapahigko sa kapalibutan sa wala untat nila nga pagpandambong kag pag-abuso sa dunang manggad sang kalibutan. Kuno nagakabalaka sila sa pagkasamad sang kapalibutan kag problema sang pag-init sang kalibutan para malikaw ang atensyon sa mga problema sang pangkatilingban nga pagpanghimulos, paghimo sang mga pamatay nga armas kag mga gerang agresyon. Ginarason nila ang isyu sang naturalisa kag pag-init sang kalibutan para pasanyugon pa ang imperyalistang kontrol kag pagpanghimulos sa manggad sang kalibutan.

Nagahana ang mas daku pa nga kinagamo pangkatilingban kag pangpulitika sa tanan nga kontinente kag sa halos tanan nga pungsod. Kada tuig, ang US padayon nga nagabatas sang krisis sa ekonomya kag ginahigop padulong sa mga bag-o nga kumunoy sang agresyon kag interbensyong militar. Ini amo ang mga kundisyon nga paborable sa mga rebolusyonaryong pwersa sang pumuluyong Pilipino sa pagpasulong sang inaway banwa para sa bag-o nga demokrasya halin sa lebel sang estratehikong dependensiba padulong sa estratehikong pagkapatas.



² Lugar o instalasyon nga kon makontrol makabag-o sa dalagan sang gera o mga operasyon.

³ Mga armas nga nagapalupok sang mga kemikal nga ginahalinan sang delikado nga radiation, masami basura halin sa mga plantang nukleyar.

Nagadasig nga pagkagaruk sang lokal nga nagaharing sistema

Sa bug-at sang krisis sang pangkalibutanon nga sistemang kapitalista kag bunga sang mga pangsulod nga kahinaan, nagadasig ang pagkagaruk sang malakolonyal kag malapyudal nga sistema sa mga halambalaon pang-ekonomya, pangkatilingban, pangpulitika kag pangkultura. Ang garuk kag mapiguson nga nagaharing sistema nga ara sa permanenteng krisis luto na gid kaayo para pukanon kag bayluhan sang demokratikong sistema sang pumuluyo.

Labaw nga natorse kag labi pang nangin bangian ang ekonomya sang Pilipinas bangud sa imperyalistang polisiya nga globalisasyon sang "hilway nga balaligyaan." Agraryo kag malapyudal sa kadam-an ang ekonomya pero wala nagapatubas sang bastante nga pagkaon para sa pumuluyo. Resulta ini sang pagtinambak sang sobrang produkto agrikultural sang mga imperyalistang pungsod kag pila ka kaingod nga pungsod. Pwersado ini nga magbuhin sang produksyon sang pagkaon para hatagan-dalan ang produksyon sang pila ka komersyal nga pananom para i-eksport kag magserbi sa katuayan sang imperyalistang kontrol.

Ang mga manggad nga agrikultural, mineral, talon kag dagat sang aton pungsod ginaluwas sang madasigan kag sa mas manubo nga presyo. Wala ginapauswag ang ekonomya paagi sa nasyunal nga industriyalisasyon kag reporma sa duta. Padayon ang bangian nga bayluhanay sang ginaluwas nga hilaw nga materyales kag sang ginangkat nga mga human nga produkto. Ginadambong ang dunang manggad sang pungsod samtang nagaluha-buwaya ang mga imperyalista kag lokal nga reaksyunaryo sa kawad-on sang kauswagan kag pagkasamad sang kapalibutan.

Ang ginakita sa liwat nga pag-eksport sang mga mala-manupaktura nga manubo ang dugang nga balor kag pag-eksport sang barato nga trabaho hindi bastante para pun-an ang nagadaku nga depisit

sa *balance of payments*. Amo gani nga padayon ang pagdaku sang utang sa luwas. Ang naggamay nga demand para sa hilaw nga materyales, mala-manupaktura kag dumuluong nga mamumugon kontraktwal nagadulot sang pang-ekonomya kag pangkatilingban nga kaalitan sa Pilipinas.

Ang masang anakbalhas kag pati ang mga ara sa nahanungang saray ginaigo sang nagataas nga tantos sang disempleyo, malubha nga pagkupos sang kita kag nagatinaas nga presyo sang mga basehang balaklunon kag serbisyo sosyal. Nagadaku ang palas-anon nga buhis bisan sadsad ang ekonomya kag nagalala ang mga imprastruktura kag serbisyo sosyal. Kadam-an sang badyet sang gubyerno ginalamon sang pagbinayad sang utang (paghulog sa interes kag prinsipal) kag mga galastuhan militar. Ginagatungan sang lapnagon nga pag-antos kag diskuntento ang mga ligal nga protestang masa kag ang inaway banwa batuk sa pagpanghimulos kag pagpamigos.

Nagasunod ang rehimeng Arroyo sa polisiya sang pangkalibutanon nga teroristang gera sang US


kag ginalunsar sini ang Oplan Bantay Laya halin 2001 agud kugmaton kag atakehon ang malapad nga masa sang pumuluyo, labi na ang mga ligal nga pwersang oposisyon kag mga rebolusyonaryong pwersa. Lapnagon kag sistematiko sini nga ginalapas ang tawhanong kinamatarung sang mga mamumugon kag mangunguma amo man sang mga sosyal nga aktibista halin sa kubay sang kababainhan kag pamatanon, mga propesyunal kag mga tawong simbahan. Bunga sini, ang rehimen nahamulag sa sulod kag guwa sang pungsod bangud sa kagalingon nga kahimuan kag sa kakig kag pagbato sang pumuluyo.

Nagasabwag ang estado sang terorismo nga suportado sang US gamit ang kumbinasyon sang mga ahensyang militar, paramilitar kag pulis kag mga pribadong hangaway kag ahensya pangseguridad para mangbungkag sang mga unyon kag welga kag magpalayas sang minilyon nga mangunguma kag pungsodnon nga minorya halin sa ila mga

puluy-an kag talamnan. Ang pagmasaker sang may 62 katawo sa Ampatuan sa sulod sang wala pa sang isa ka oras nagasimbolo sang mga krimen nga malaparan ginahimo sang

gintilingub nga pwersang militar, pulis kag paramilitar para sa mapintas kag tiko nga rehimen kag senyal sang nagalala nga kalakasan sang ribalan sa pulitika sang mga reaksyunaryong pulitiko sa nasyunal kag lokal nga lebel.

Nakahilera batuk sa rehimeng



Arroyo ang malapad nga masa sang pumuluyo kag ang malapad nga nagahiliugyong prente sang mga pwersa oposisyon. Nagalawig na sang pila ka tuig ang singgit para patalsikon ang nagaharing hubon Arroyo bangud sa pagpakatuta, kagarukan, kapintas kag kabutigan sini. Pero labaw sa tanan ginagamit sang hubon ang mga mapigusion nga makinarya sang estado para tapnaon ang mga kritiko sini kag ang pagbato sang pumuluyo. Mada-mo sa mga kaaway sini makalaum lamang nga mag-angkon sang hustisya kon napatalsik na sa poder ang hubon nga ini.

Bisan pa man, sa tuyo nga unahan ang mga asunto sa malubha nga krimen sini sa banwa, desperado nga ginagamit sang hubon Arroyo ang mga resorsa sang estado para magdinaya sa eleksyon kag magsabwag sang terorismo. Lapnagon ang kabalaka nga nagaplano ini nga magdeklarar sang layi militar sa bilog nga pungsod ukon sa pila ka yabi nga rehiyon gamit nga rason ang kapaslawan sang eleksyon kag sa sini makapabilin sa poder. Pagagatungan lamang sini ang pagbato sang pumuluyo kon sundon sini ang dalan sang pasistang diktadurya pareho sa kay Marcos.

Anupaman, ang pangpulitikang krisis sang nagaharing sistema nagalubha resulta sang pang-ekonomya kag pangpulitika nga krisis. Labi pa nga nagasingki kag mangin mapintas ang mga kontradiksyon sa kubay sang mga reaksyunaryo. Anuman nga reaksyunaryong hubon ang makakuha sang gahum posible nga magsolo sa makurakot kag magamit sang makahas nga instrumento sang estado para tapnaon ang oposisyon sa sulod sang sistema kag ang rebolusyonaryong kahublagan sang pumuluyo.

Ang mga mayor nga partido kag koalisyon pangpulitika nga nagakontrahanay sa eleksyon 2010, maluwat sa Makabayan, nagalikaw o

nagakontra pa gani sa pungsodnon nga soberanya kag tunay nga demokrasya nga ginapangayo sang pumuluyo kag wala nagapakamaut o nagasikway sa globalisasyon sang "hilway nga balaligyaan" kag sa terorista nga polisiya nga sulsol sang US batuk sa pumuluyo. Indi pagbuhian sang partido Lakas-Kampi sang nagaharing hubon ang samad na sini nga mga polisiya nga antinasyunal kag anti-demokratiko. Ang mga mayor naman nga partido sang oposisyon, pareho sang Liberal Party kag Partido ng Masang Pilipino nagtum-ok sa pagpostura nga sila para sa maayo nga pagginubverno agud magdistansya sa makahuluya nga kagarukan sang rehimeng Arroyo.

Anuman nga reaksyunaryong hubon ang makakuha sang gahum sa prosesong elektoral indi makalikaw nga magsunod man sa dalan nga ginsunod sang rehimeng Arroyo. Pagauyatan sini ang poder sa dikta sang US kag mga lokal nga mapanghimulos nga sahi kag gamiton sini ang gahum para magpamanggad kag ideploy ang mga mapigusion nga makinarya sang estado para tapnaon ang oposisyon.

Sa apat nga mayor nga kandidato sa pagkapresidente, daw si anay Senate President Villar ang pinaka-patriyotiko kag pinakaprogresibo kon sa bahin sang pagsakdag niya sa interes sang mga negosyanteng Pilipino, pagpahayag sang simpatya sa mga mamumugon kag mangunguma kag pagkundenar sa mga paglapas sa tawhanong kinamatarung. Bisan pa man, wala pa sang kasiguruhan kon masarangan bala niya nga magdaog kag pamatud-an nga mas maayo siya sa mga nagapanguna nga karibal sa pulitika nga may duguon nga rekord sang pagkontra sa mga ginapakig-away sang mga mamumugon kag mangunguma, pareho ni Aquino nga kilala sa isyu sang Hacienda Luisita, Teodoro nga idu-buang nga

sekreteryo sang depensa ni Arroyo kag Estrada nga may rekord sang huyog sa away sadtong panahon sang nauntat niya nga pagkapan-gulo.

Sa kasaysayan sang malakolonyal kag malapyudal nga nagaharing sistema, kada nangin presidente nagaluhod sa gahum sang imperyalismong US kag nagatinguha nga maghugakom sang manggad kag gahum para sa kaugalingon nga benepisyo batuk sa mga kinamatarung kag interes sang banwa. Wala pa sang presidente nga may pangpulitika nga determinasyon nga magpatuman sang signipikanteng mga reporma nga nagasabat sa pungsodnon nga soberansya kag tunay nga demokrasya nga ginapangayo sang pumuluyo o maggamit sang sugilanon pangkalinungan para makig-areglo sa rebolusyonaryong kahublagan para sa mga reporma sosyal, pang-ekonomya kag pangpulitika bilang tungtungan sa pag-agum sang makatarungan nga kalinungan.

Lauman naton nga anuman nga bag-o nga reaksyunaryong nagaharing hubon ang magadaog sa eleksyon 2010, ini padayon nga magpapanaog sang mga tiranikong ti-kang paagi sa pagpaguwa nga ang mga rebolusyonaryong buluhaton ordinaryong krimen, buluhaton terorista o "rebelyon nga mahimo silutan sang tubtub buhi nga pagkapreso" kag sa sini indi pwede pyansahan. Magalunsar ini sang mga kampanya sang paglupig militar batuk sa mga rebolusyonaryong pwersa sang pumuluyong Pilipino lakip ang sa Bangsamoro. Magapakuno-kuno lamang ini nga para sa sugilanon pangkalinungan kag magatuyo nga gamiton ini indi para makig-areglo sa National Democratic Front of the Philippines bahin sa mga basehang reporma kundi para lamang tiplangon kag gamuhon ang banwa kag dugmukon ang rebolusyonaryong hublag.

Ang bag-o nga hubon nga magagahum obligado nga padayunon nga magpasugot sa pagdeploy sang US sang mga tropang militar sa Pilipinas sandig sa US-RP Mutual Defense Pact kag Visiting Forces Agreement kag sandig sa lain-lain nga kabangdanan, lakip ang ginatawag nga anti-terorismo, antidroga, interbensyon nga makatawo, aksyong sibiko, ayuda sa mga kalamidad, misyong medikal kag iban pa. Ginalatag na ang tungtungan para sa nagapadaku nga interbensyon militar kag hayagan nga agresyon, pangunahon para pamatukan ang terorismo samtang ginabansagan nga “terorista” ang mga rebolusyonaryong Pilipino kag Bangsamoro.

Ang bag-o nga magasulod nga nagaharing hubon maobliga sang nagalala nga krisis sang nagaharing sistema nga pasanyugon ang kontra-rebolusyonaryo nga kalakasan o maglagas sang untat-lupok o pakig-alyansa sa mga rebolusyonaryong pwersa batuk sa US kag pinakamalaut nga lokal nga reaksyunaryo kon sa umpisa pa lang nagabaskog ang rebolusyonaryong kahublagan, maghatag sang mga pamatay nga bunal sa maluya nga bahin sang nagaharing sistema kag magsulong padulong sa bag-o kag mas mataas nga halintang sang pag-uswag.

Lubos naton nga mahingalitan ang sosyo-ekonomiko kag pangpulitikang krisis sang nagaharing sistema para makapabaskog, malunsar ang tanan nga porma sang rebolusyonaryong paghimakas kag maghimo sang daku nga pagsulong sang inaway banwa. Maangkon lang naton ang pungsodnon kag kahilwayan sosyal kon may ara nga gahum ang pumuluyo para sundon ini. Maangkon lamang ang gahum sang pumuluyo paagi sa rebolusyonaryong paghimakas kontra sa imperyalismong US kag mga lokal nga nagahari nga sahi.

Subong nga basehan kag mga katungdanan para sa daku nga pagsulong

Sang gintukod ini sang 1968, ang Partido Komunista sang Pilipinas may ara lamang pila ka napulo ka kadre kag katapo kag pila ka libo nga aktibista sa lain-lain nga organisasyong masa. Apang umpisa sadto, napamunuan naton, bilang isa ka Partido, ang rebolusyonaryong kahublagan masa kag huluhalang ini nga napadaku halin sa gamay kag maluya pakadto sa daku kag mabaskog bangud nahingalitan naton ang paborableng obhetibo nga kahimtangan para sa pagrebolusyon kag ginpatuman naton ang hustong linya sa ideolohiya, pulitika kag organisasyon.

Ginsunod naton ang pang-ideolohiyang linya sang Marxismo-Leninismo-Maoismo, ang pangpulitikang linya sang bag-o nga demokratikong rebolusyon paagi sa malawigan nga inaway banwa kag ang pang-organisasyong linya sang demokratikong sentralismo. Nakatipon kita sang manggaranon nga inagihan kag masaligan nga kinaalam, nagbaskog kita sa ideolohiya, pulitika kag organisasyon kag nag-agum kita sang daku nga kadalagan sa pagsulong sang tanan nga porma sang rebolusyonaryong paghimakas.

Ang subong nga tanan-nga-bahin nga kusog naton bilang Partido amo ang aton tungtungan sa pagpatuman sang aton nga mga katungdanan kag plano para isulong ang bag-o nga demokratikong rebolusyon kag inaway banwa halin sa halintang sang estratehikong depensiba pakadto sa estratehikong pagkapatas sa masunod nga lima ka tuig.

Linibo ang kadre kag katapo sang Partido nga may ikasarang sa hilikuton sa edukasyon nga teoritiko kag pangpulitika. Mapalapnag nila ang teorya sang Marxismo-Leninismo-Maoismo kag ang mga sinulatan naton bahin sa kasaysayan kag subong nga kahimtangan sang Pilipinas. Mapangunahan nila ang basehan, intermedya kag abanteng lebel sang edukasyon

pangpartido diin man masarangan sa kasyudaran kag kaumhan. Masi-guro nila nga mahakos sang mga katapo sang Partido ang Marxista-Leninistang panindugan, pananawan kag pamaagi. Makapauswag sila sang mga kadre nga makapamuno sa lain-lain nga lebel sang organisasyon sang Partido kag sa lain-lain nga patag sang hilikuton.

Dapat kita magbalay kag magpatuman sang plano pang-edukasyon nga magbun-ag sang nagakag-igo nga mga kadre kag katapo sang Partido nga makasarang magpamuno sa hilikuton halin sa basehang lebel pataas kag may ikasarang magtukod kag magpauswag sang Partido kag mga organisasyong masa sa mga lugar nga wala pa sini. Sa pagpadamo sang mga kadre kag katapo sang Partido nga natun-an kag hanas sa Marxismo-Leninismo-Maoismo, labi pa nga magalig-on kag mag-agum sang kadalagan ang aton Partido.

Dapat kita mag-angkon sang kumprehensibo nga pangpulitikang plano para palaparon kag palig-unon ang rebolusyonaryong kahublagang masa pareho sa kasyudaran kag kaumhan. Sa katuyuan nga ini, may ara kita nga pila ka pulo ka libo nga kadre kag katapo sang Partido nga magpanguna sa hilikuton masa. Ang katung-

danan nila amo nga pukawon, organisahon kag pahulagon ang masang anakbalhas kag iban pang pumuluyo santo sa linya sang bag-o nga demokratikong rebolusyon paagi sa malawigan nga inaway banwa. May ara kita nga malapad kag madalom nga baseng masa nga ginabug-os sang minilyon nga pumuluyo sa bilog nga pungsod.

Makasulong kita sang pabalud-balod halin sa subong naton nga baseng masa. Ginapamunuan sang mga lokal nga sanga kag nagapamunong komite sang Partido ang mga organisasyong masa. Matukod ang mga ini antes pa ang pagpalapad sang BHB. Ginhawanan nila ang alagyan para sa BHB kag sa pagtukod sang temporaryo kag sa ulihi mga regular nga mga organo sang gahum pangpulitika. Ano pa man, ang Partido sa sulod sang BHB pwede nga magtalana sang mga hubon sang Pulang hangaway para sa hilikuton masa.

Ang kon sang aton Partido ang BHB bilang pangunahon sini nga organisasyon sa pagbato sa kaaway, pagpundar sang kahublagang masa sa kaumhan, pagtukod sang mga organo sang gahum pangpulitika kag pagpabaskog sa sandigang alyansa sang sahing mamumugon kag mangunguma. May ara kita sang linibo nga Pulang kumander kag hangaway nga may ikasarang mag-agum sang labaw nga mas madamo nga kadalagan sangsa orihinal nga 60 Pulang hangaway naton sang 1969.

Ang Partido naton ara nagapamuno kag tugas sang BHB. Nagra-rekrut kita para sa Partido halin sa

kubay sang mga Pulang hangaway kag mga aktibistang masa. Dapat naton nga pasanyugon ang pagrekrut kag pulitiko-militar nga paghanas sang mga Pulang hangaway sa pagpamuno sang aton Partido.

Dapat kita maghimo sang plano sa pagpadamo sang mga Pulang kumander kag hangaway, mga yunit sang BHB kag mga prenteng gerilya halin sa mas o menos 120 pakadto sa 180 para masakop ang mga distritong kongresyunal kag mag-angkon sang ikasarang nga magdeploy sang mga yunit sang armadong partisano sa kasyudaran sang mga distritong kongresyunal. Mahimo ang pagpadamo sang mga prenteng gerilya sa pamaagi kag kadasig sang pagkuha sang kusog sang mga panugod nga yunit sang BHB (mangin tim, iskwad o platun man) halin sa baseng masa sang mga ginapalaparan nga lugar.

Ang proseso sang pagpalapad pakadto sa target nga 180 prenteng gerilya malabot sa pagbaskog sang Partido kag BHB sa lebel sang prenteng gerilya (distrito), prubinsya kag rehiyon. Magausbong ang relatibo malig-on nga base sa lain-lain nga lapad sang teritoryo, depende sa pagdaku sang Partido, BHB kag baseng masa kag mga organo sang gahum pangpulitika kag syempre pa sa aktwal nga pagkawasak kag pagkabungkag sang gahum pangpulitika sang kaaway sa mga lokalidad.


Dapat padayon kita nga maglunsar sang lapnagon kag masinsin nga inaway gerilya base sa nagapa-

lapad kag nagapadalom naton nga baseng masa. Syempre, magareaksyon ang mga pwersa sang kaaway paagi sa pagkonsentrar sa mga prenteng gerilya kon sa diin ginatantya nila nga mabaskog kita kag paglunsar sang mabangis nga kampanya sang pagtapna. Apang bangud tuman ka limitado ang mga pwersa sang kaaway sa nasyunal kag pangrehiyon nga sakop, mauyatan naton ang inisyatiba paagi sa pleksible nga mga taktika sang konsentrasyon para mag-opensiba, pagsaylo para maglikaw sa kaaway kag dispersal para magtungod sang hilikuton masa.

Ang Komisyon Militar sang Komite Sentral ang responsable sa pagtakda kag pag-isyu sang pina-kastratehikong mga tagubilin kag plano. Kada lebel sang kumand sa operasyon dapat maghatag sang kinahanglanon nga impormasyon kag mga rekomendasyon amo man sang mga pidbak sa ila natungdan nga organo. Sa sulod sang ila teritoryo, pwede sila nga magbalay kag mag-isyu sang partikular nga mga tagubilin kag plano pang-operasyon para sa mga taktikal nga opensiba nga nakatum-ok sa pag-salakay sa maluya nga bahin sang kaaway kag pag-agaw sang armas sa proseso.

Ang mga armas para sa mga bag-o nga yunit sang BHB sa lebel-distrito, prubinsya kag rehiyon dapat pangunahon kuhaon sa kaaway paagi sa mga ambus, reyde kag iban pang operasyon. Magadasig ang pag-agaw sang armas sa kaaway kon nagauswag ang inisyatiba, koordinasyon kag pagbuligay sang mga yunit sang BHB sa lebel-prubinsya kag rehiyon.

Para masarangan sang BHB nga maglunsar sang mga kampanya sang opensiba nga malipot lang ang pahuway, dapat mag-angkon sang nagapalapad nga baseng masa kon sa diin ang mga organisasyong masa kag mga lokal nga or-



gano sang gahum pangpulitika makasarang maghimo sang mga kampanya kag partikular nga mga aktibidad para mapaayo ang mga hambahalanan pangkatilingban, pang-ekonomya, pang-ikaayong lawas kag pangkultura sang pumuluyo.

Dapat ipatuman sang husto ang kampanya para sa reporma sa duta para makuha ang malig-on nga suporta sang mga imol nga mangu-nguma, mamumugon sa uma kag manubo nga nahanungang mangu-nguma. Ang minimum nga programa sang reporma sa duta mahimo nga pataason sa maksimum nga lebel depende sa kusog sang BHB kag kahublagang mangunguma. Dapat isulong sang husto ang kampanya sang pag-organisa sa masa, edukasyon pangpubliko, pagpataas sang produksyon, pag-amlig sa ikaayong lawas, depensa, hilikuton pangkultura kag pag-areglo sa mga banggianay sa kubay sang pumuluyo.

Ang milisya sang pumuluyo dapat magtungod sang mga katungdanan nga pangpulis kag ang mga organisasyong masa dapat maghanas sang mga yunit nga mag-asikaso sa depensa.

Makapabaskog lang ang BHB sa pag-angkon sang labaw nga mas madamo nga tawo sa mga yunit milisya kag pangdepensa nga makaserbi nga pangdugang nga pwersa kag reserba. Ang mga pangprente, pangprubinsya kag pangrehiyon nga yunit sang BHB, nga nagaserbi nga sentro de grabidad kag ukon pwersa nga pang-away, makahulag sang mas madasig kag mangin mas epektibo sa bulig sang mga organo sang gahum pangpulitika, organisasyong masa, lokal nga yunit gerilya, milisya sang pumuluyo kag yunit pangdepensa sa natungdan nga sakop.

Pareho sang nagtuhaw sa implementasyon sang OBL kag mga nagligad nga nasyunal nga plano

sa operasyon sang kaaway, limitado ang isip sang pwersa sang kaaway nga nagagamit sa mga kampanya sang pagtapna batuk sa BHB sa kaumhan kon ikumparar sa populasyon sang bilog nga pungsod. Indi sini masarangan magsakop sang masobra 10% sang kadutaan sa kada natalana nga panahon. Amo gani nakabwelo ang BHB sa masobra 90% sang teritoryo sang Pilipinas. Ang isip sang mga napahulag sang kaaway sa inaway nalimitahan pa sang labing militansya sang kahublagang masa sa kasyudaran kag sang madugo nga banggianay sang mga reaksyunaryo sa porma sang mga pamahog nga kudeta kag kontrakudeta batuk sa kada isa.

Makuha sang BHB ang inisyatiba sa pagpauswag sang armadong partisano nga inaway sa syudad kag paglunsar sang mga espesyal nga operasyon batuk sa mga pasilidad sang mga kaaway kag mga kontra-pumuluyo nga empresa para mapwersa ang kaaway nga magbantay kag ibutang sa pusisyon nga depensibo ang madamo nga tropa sini. Ang hulag sang mga yunit sang kaaway pwede nga atrasaron sang mga operasyong *sapper*, *mine warfare*, pang-isnayp kag iban pang operasyon sang gamay nga yunit. Katulad sang mga kusi lamang ini pero may malapad nga epekto nga pangdemoralisa sa mga tropa sang kaaway.


Dapat himuon nga target sang pag-aresto sang BHB ang mga nagalap sa tawhanong kinamatarung kag internasyunal nga makatawo nga layi kag sa kodigong penal

sang demokratikong gubyrno sang pumuluyo. Dapat ini nga maghulag para bungkagon ang mga pinakamapanghimulos nga plantasyon, empresa sang pagtroso nga pang-eksport, pagmina kag iban pang operasyon nga nagapang-agaw sang duta sa pumuluyo kag nagasamad sa kapalibutan. Ang pagpusa mahimo lang paagi sa pagsamad sa kagamitan, pagpugong sa

pagsulod sang mga nagadumala kag paglunsar sang mga taktikal nga opensiba batuk sa mga armadong gwardya. Dapat dugangan ang mga kadutaan nga ginatigana sa reporma sa duta kag produksyon sang pagkaon.

Sadtong una nga dekada sang pagpalapad sang Partido halin 1968 tubtob 1977, gintukod kag gingamit sang aton Komite Sentral

ang mga pangrehiyong komite sang Partido bilang yabing kasangkapan sa pag-organisa sang Partido, BHB kag armadong rebolusyonaryong kahublagang masa sa bilog nga pungsod. Dapat pabaskugon sang subong nga mga komite pangrehiyon sang Partido ang ila kaugalingon kag ang mga komite pangprubinsya nga direkta nakapaidalom sa ila. Dapat man nga pabaskugon sang mga komite pangdistrito ang mga komiteng munisipal kag seksyon nga direkta ara sa idalom nila. Dapat naton isipon nga kon ang isa ka mataas nga lebel sang liderato sang Partido nagahimakas nga pabaskugon ang masunod nga manubo nga lebel, ang mapabaskog sa katapusan amo ang basehan sang Partido.



Dapat kita mag-angkon sang pang-organisasyong plano para magpadamo sang mga kadre kag katapo sang Partido sa katuyuan nga agumon ang daku nga pagsulong halin sa estratehikong depensiba pakadto sa estratehikong pagkapatas. Kinahanglan naton sang indi magkulang sa 200,000 katapo sang Partido para diri.

Dapat kita magbutang sang tugas sang hangaway sang banwa kag magpamuno sa hilikuton sa lokalidad halin sa lebel-baryo pataas kag sa mga organisasyong masa, empresa nga pang-ekonomya kag institusyon nga pangkultura. Ang pang-organisasyon nga kusog nga gusto naton ipundar para sa daku nga pagsulong sa masunod nga lima ka tuig ang magserbi nga pundasyon sa mas daku pa nga pagsulong sa madason pa nga lima ka tuig.

May malapad kita nga marekrutahan para sa Partido. Lakip diri ang hangaway sang banwa kag mga organisasyong masa. Halin sa mga ini, dapat hatagan tum-ok sang aton Partido ang pagrekrut sang mga abante nga aktibistang masa sang sahing mamumugon, mangunguma kag petiburgesya sa syudad. Sa pabalud-balod nga pagsulong, dapat naton siguruhon nga angkon naton ang pangmasang kusog kag lain-lain nga tipo sang ikasarang pangkadre nga kinahanglan para mapadaog ang rebolusyon.

Dapat kita magremolde kag pandayon ang mga kadre kag katapo sang Partido paagi sa rebolusyonaryong edukasyon, matutom nga pagtrabaho kag pur-sigido nga paghimakas pareho sa kaumhan kag kasyu-daran. Dapat naton nga ganyaton ang mga mamumugon kag nakatuon nga pamatan-on nga mag-alagad sa hangaway sang banwa kag sa kaumhan. Kinahanglan naton sa kaumhan ang pinakamuklat kag pinakamaayo nga proletaryong rebolusyonaryo para isulong ang inaway banwa kag makahanda sa pag-agaw sa gahum pangpulitika sa ulihi.

Nagasalig kita nga masabat naton ang mga rekisito nga pang-ideolohiya, pangpulitika kag pang-organisasyon para maagum sang aton Partido ang daku nga pagsulong halin sa estratehikong depensiba pakadto sa estratehikong pagkapatas sa masunod nga lima ka tuig. Dapat naton hingalitan ang kada minuto, kada adlaw kag kada simana para malab-ot ang mga plano kag katungdanan nga nakatalana sa aton.

Ang krisis sang pangkalibutanon nga sistemang kapitalista kag lokal nga nagaharing sistema, kag ang pag-antus kag singgit sang pumuluyo nga isulong ang bag-o nga demokratikong rebolusyon pakadto sa sosyalismo kag komunismo nagduso sa aton nga himuon kag agumon ang aton nga masarangan sa kada lebel sang paghimakas. AB



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ispesyal nga Isyu
Disyembre 26, 2009
www.philippinerevolution.net

Tinguhaon nga agumon ang daku nga pagsulong sa inaway banwa para sa bag-o nga demokrasya

Komite Sentral

Partido Komunista sang Pilipinas

Lubos kalipay nga ginasaulog naton subong nga adlaw ang ika-41 anibersaryo sang pagkatukod sang Partido Komunista sang Pilipinas bilang rebolusyonaryo nga abanteng destakamento sang proletaryadong Pilipino sa teoritikong ubay sang Marxismo-Leninismo-Maoismo.

Lubos kita nga nalipay sa mga madugay na kag bag-ong kadalag-an nga naagum sang proletaryado kag pumuluyong Pilipino sa pagpamuno sang Partido sa pagpasulong sang bag-ong demokratikong rebolusyon paagi sa malawigan nga inaway banwa. Ginasaluduhan kag ginatamyaw naton ang tanan nga mga kadre kag katapu kag ginahatag naton ang pinakamataas nga pasidungog sa mga rebolusyonaryong martir kag baganihan sa paghawan nila sang dalan para maagum ang mga kadalag-an naton.

Madugay na naton napamatud-an nga sa pag-sunod sa estratehikong linya sang malawigan nga inaway banwa hulu-halintang naton nga mapabaskog ang mga rebolusyonaryong pwersa sang pumuluyo kag mapangibabawan ang brutal nga mga kampanya sang pagpanglupig nga ginalunsar sang imperyalismong US kag mga lokal nga nagapanghimulos nga sahing daku nga kumprador kag agalon nga mayduta. Sa proseso, natukod na naton sa subong ang pinakadaku kag pinakamabaskog nga rebolusyonaryo nga armadong paghimakas sang pumuluyong Pilipino sa bilog nga kasaysayan sang Pilipinas halin sang rebolusyong 1896.

